

# Ukiumut 2015-imut nalunaarut AKA



Akilerartarnermut Aqutsisoqarfik  
15-06-2016

## Imarisai


Akileraartarnermut Aqutsisoqarfik.....	2
2015-imi naatsorsuutit kisitsisaat.....	4
Immikkoortortat .....	6
Aningaasaqarneq.....	6
Naatsorsuuserivik .....	6
Akileraarutit.....	6
Akitsuutit .....	8
Aalisakkanut akitsuutit .....	8
Qamutit motorillit akitsuutaat .....	10
Aningaasanik ikisilluni pinnguaatinut akitsuut .....	11
Naqissusiinermi akitsuutit .....	11
Nioqutissanik eqqussinermi akitsuutit .....	12
Akileraarutit.....	13
SULINAL aamma IIN .....	14
Siunnersuineq Nakkutilliinerlu .....	15
Kukkunersuisut .....	15
Nakkutilliisut.....	15
Nunanut allanut allaffik .....	16
Ilanngaaserisut .....	16
Akiliisitsiniarneq.....	17
Ataatsimoorussat.....	19
Aalisarnermut Akuersissutinik Nakkutilliisoqarfik.....	20
Nakkutilliisut .....	20
Allattoqarfik pisanillu nalunaarsuiffik.....	21
Nakkutilliinermut nunanik allanik suleqateqarneq .....	22
Akileraartarnermut akitsuusiisarnikkullu inatsisini 2015-imi allannguutit.....	23
Aalisarnermut inatsisini 2015-imi allannguutit .....	23

Akileraartarnermut Aqutsisoqarfiup 2015-imut nalunaarutaa  
Aaqqissuisoqarfik: Akileraartarnermut Aqutsisoqarfik  
Isikkuanik aaqqissuisoq: Mika Lyberth  
Ukiumut Nalunaarut elektroniskituinnaq saqqummiunneqarpoq aaneqarsinaallunilu  
uanga: [www.aka.gl](http://www.aka.gl)

Akileraartarnermut Aqutsisoqarfik  
Intaleqqap Aqq. nr. 1  
Postboks 1605  
3900 Nuuk  
Qarasuaat 34 65 00

## Akilerartarnermut Aqutsisoqarfik

Akilerartarnermut Aqutsisoqarfik, aaqqissuussaaniq Aningaasaqarnermut Naalakkersuisoqarfiup ataani inissisimavoq. Akilerartarnermut Aqutsisoqarfik tallimanik immikkoortortaqqarfeqqarpoq Aningaasaqarnerq, Siunnersuineq Nakkutilliinerlu, Akiliisitsiniarneq, Ataatsimoorussat kiisalu Kalaallit Nunaanni Aalisarnermut Akuersissutinik Nakkutilliisoqarfik. Kalaallit Nunaanni Aalisarnermut Nakkutilliisoqarfik 2015-imiit atuutilersumik Aalisarnermut Naalakkersuisoqarfik Akilerartarnermut Aqutsisoqarfimmut nuunneqqarpoq.



Akilerartarnermut Aqutsisoqarfiup qitiusumik suliai tassaapput, akilerarutininik, akitsuutininik kiisalu pisortanut akiitsuninik akiliisitsiniartarneq. Aalisarnermut Akuersissutinik Nakkutilliisoqarfiup qitiusumik suliai tassaapput aalisarnermi, piniarnermi aallaaniarnermillu nakkutilliineq nakkutiginninnerlu. Pingaarnertut siunertaavoq Namminersorlutik Oqartussat aalisarneq pillugu aalajangersakkat eqqortinneqarnissaasa qulakkeernissaa tassungalu ilanngullugit maleruagassat aalisarnerup ingerlanneqqarnera puillugu nunanik allanik illugiilluni isumaqatigiissutit imaluunniit nunat tamat akornanni kattuffinni Kalaallit Nunaata peqataanerani imaluunniit nunat tamat akornanni isumaqatigiissutit naapertorlugit.

Nuuk qitiusumik allaffeqarfiuvoq, taassuma saniatigut Qaqqortoq, Maniitsoq, Sisimiut, Ilulissat kiisalu allaffiit Danmarkimiittut pingasut aamma allaffeqarfiupput. Aalisarnermut Akuersissutinik Nakkutilliisoqarfik illoqqarfinni Uummannaq, Upernavik, Ilulissat, Sisimiut, Maniitsoq, Nuuk Ittoqqortoormiini kiisalu Danmarkimi sulisoqarput.

Akilerartarnermut Aqutsisoqarfik 2015 katillugit 162-nik sulisoqqarpoq, taakkunani 113-it Akileraruserivimmiupput 49-llu Aalisarnermut Akuersissutinik Nakkutilliisoqarfimmiillutik. Agguataarnerini arnat 53 procentiupput angutillu 47 procentiullutik.

Akilerartarnermut Aqutsisoqarfiup ukiuni kingullerni sulisut atugarissaarnissaat isiginiarnerulernikuuaa, tamatuma kingunerivaa, ingammik 2015-imi, sulerusussutisip, sulinermit kajumissutisip kiisalu naammagisimaarinninnermut qaffaanermik.

Aqutsisoqarfik sullissinermut periussatut siunniussanik malittarisassaliornikuuvoq taanna aqutsisoqarfiup nittartagaani [www.aka.gl-imi](http://www.aka.gl-imi) "Aaqqissuussisimaneq"-rup ataani takuneqarsinnaavoq.

Akilerartarnermut Aqutsisoqarfiup kalaallinik inuusuttunik ilinniagaqartitsinissaq suleqataaffigerusuppaa, taamaattumik ilinniartoqarneq pillugu aaqqissuussinikuuvoq. Aasaq 2015-imi ilinniartut pingasut aallartisinneqarput, Aqutsisoqarfiup suliaanik ilinniartinneqassallutik. Atuarneq praktikkernerlu ukiuni marlunni paarlakaajaattumik ingerlanneqartarput.

2015-imi aallartittut saniatigut 2014-imi aallartinnikut pingasut aasami 2016-imi naammassissapput. Namminersorlutik Oqartussat suliffeqarfiini ilinniartut affaat Akilerartarnermut aqutsisoqarfimmiipput.

## 2015-imi naatsorsuutit kisitsisaat

Akilerartarnermut Aqutsisoqarfiup innuttaasut suliffeqarfiillu pisortanut akiutaat isumagaat. 2015-imi isertitat katillugit 1.936 mio. kr.-it Nunatta Karsianut nakkartinneqarput.

Aningaasaliissutitut naatsorsuutit	Aningaasaliissutit	Atuineq	Sinneruttut	Atuineq %-inngorlugu
24 Akilerartarnermut Aqutsisoqarfiup IST <sup>1</sup> -p inernerata	-1.873.976	-1.936.635	62.659	103

Akilerartarnermut Aqutsisoqarfimmi IST-p inernerata takutippaa 62,7 mio. kr.-nik missingersuutigineqartuniit isertitakkaanerusoq, tassa missingersuutitut sanilliullugu 3 %-inik annertunerulluni.

2015-imi toqqaannartunik akileraarutit<sup>2</sup> 74,9 mio. kr.-nik annertunerusunik nikingassuteqarput. Nikingassummut peqqutaasut annerpaartarivaat Namminersorlutik Oqartussat suliffeqarfiisa akileraarutaat kiisalu inuit akileraarutaasa annertusisimani.

Toqqaannangitsumik akileraarutit<sup>3</sup> ilimagisamiit annikinnerusumik isertitsissutaasimapput, nikingassut 18,2 mio. kr.-ulluni. Raajanit qaleralinnillu akitsuutit isertitat ilimagisamit annertunerugaluartut avaleraasartuut akitsuutaasa appasinaarujussuarnerinik aalisakkanut akitsuut ilimagisamit appasinneruvoq. Avaleraasartuunut akitsuut ilimagisamit 52 mio. kr.-nik appasinneruvoq. Sulisoqarnermut akitsuut, Akilerartutit A-t ilutigalugit, ilimagisamit annertunerusumik isertitsissutaapput. Eqqussinermut akitsuutit ilimagisamit 3 mio. kr.-nik annikinnerusumik isertitsissutaasimapput.

Akilerartarnermut Aqutsisoqarfiup suliaasa ingerlanneqarnissaat qulakkeerniarlugu, Inatsisartut Aningaasanut Inatsisaanni 71 mio. kr.-it Akilerartarnermut Aqutsisoqarfimmut aningaasaliissutaapput saniatigut 24,5 mio. kr.-it Aalisarnermut Akuersissutinik Nakkutillisoqarfimmut aningaasaliissutaallutik.

Naatsorsuutit aningaasaliissummut sanilliunneri	Aningaasaliissutit	Atuineq	Sinneruttut	Atuineq %-inngorlugu
Akissarsiat	47.295	46.604	691	99
Aningaasartuutit allat	23.770	20.731	3.039	87
Isertitat	-100	-50	-50	50
Nalikilliliinerit allallu	0	129	-129	n/a
Ingerlatsineq katillugit	70.965	67.414	3.551	95
Sulisut	131	104	27	79

<sup>1</sup> IST = Ingerlatsineq, Sanaartorneq Taarsigassarsitsinerlu (DAU)

<sup>2</sup> Toqqaannartumik Akileraarutit = inummut, selskabinit, allallu akileraarutit

<sup>3</sup> Toqqaannangitsumik akileraarutit = eqqussinermik akitsuutit, aalisakkat akitsuutaat akitsuutillu allat.

**Kalaallit Nunaanni Aalisarnermut Akuersissutinik Nakkutilliisoqarfik**

<b>Naatsorsuutit anigaasaliissummut sanilliunneri</b>	<b>Aningaas aliissutit</b>	<b>Atuineq</b>	<b>Sinnerutt ut</b>	<b>Atuineq %- inngorlugu</b>
Akissarsiat	21.094	20.660	434	98
Aningaasartuutit allat	11.766	14.830	-3.064	126
Isertitat	-8.354	-11.807	3.453	141
Nalikilliliinerit allallu	0	21	21	
Ingerlatsineq katillugit	24.506	23.689	817	97
Sulisut	58	55	3	95

Akilerartarnermut Aqutsisoqarfimmik ingerlatsineranut atukkat ilimagisamit 3,6 mio. kr.-nik annikinnerunerannut pequtaanerpaavoq 2015-imi Akileraruseriviup atortorissaarutaasa nutarsarnissaanut suliniutissaagaluit aallartisarneqanngitsoorneri kiisalu bodyscannerimik pisaarnissaraluamik kinguartitsineq.

## Immikkoortortat

### Aningaasaqarneq

Aningaasaqarnermut Immikkoortortaqaarfiup sulisuisa 30-usut, aqutsisoqarfiup akiliisitsiniartarneri, akileraarusiinerit, akiligassanik akiliinerit, akiliisitsinerit, ilanngaasiinerit, nalunaarsuineq kiisalu akileraarutitut akitsuutinullu allaffissornikkut aqunneqarneri tamaasa akisussaaffigivaat. Akileraarutitut akitsuutinullu allaffissornikkut aqutsinerup saniatigut aamma Inuussutissarsiummik Ingerlataqartunik Nalunaarsuiffik IIN akisussaaffigivaat.


### Naatsorsuuserivik

Naatsorsuuserivik Maniitsumik Nuummilu katillugit 8-nik sulisoqarpoq ataatsimillu ilinniartoqarluni. Naatsorsuuseriviup Akileraartarnermut Aqutsisoqarfiup qitiusumik naatsorsuuserinera ingerlataaraa tassa imaappoq, naatsorsuutunik allattuinerit, akileraarutunik akiliisitsiniarnerit, naligiissaarinerit il. il.

### Akileraarutit

2015-imi inummut akileraarutit<sup>4</sup> 848,9 mio. kr.-nik isertitsissutaasimapput ukiup siulianit qaffasinnerullutik, 2014-imi 796 mio. kr.-ugamik. 2010-miit 2014-imut inummut akileraarutitut isertitat appariartorsimagaluarput. Sanaartornerit kiisalu aalisarnerup annertusinerunerata kingunerisinnaasaanik 2015-imi inummut akileraarutit qaffariarsimapput.

Ingerlatseqatigiit akileraarutaat, ingammik Namminersorlutik Oqartussat piginneqataaffii, 2015-imi qaffariaateqarsimapput. Peqqutaqataasut annersaasut ilagivaat Royal Arctic Line A/S-ip akileraarutitigut akiliutaasa annertussusiat. Ingerlatseqatigiiffiup umiarsuaasa nutaanngilillutik akileraarutitigut nalikilliliiffiqarnerisigut akiliutit annertunerulerneritut peqqutaavoq. Ingerlatseqatigiiffik qulaani pineqartup saniatigut ingerlatseqatigiiffiit allat aamma akileraarutitut akiliinerusimapput suliffeqarfiit annertunerusumik suliassaqaarsimanerisa kinguneranik.



Inummut, ingerlatseqatigiiffiit, ilunaarutisianut, kisermaassatut akuerisap atorneranut akiliut (royalty) kiisalu kommuninut ataatsimut akileraarutaannik isertitat Nunatta Karsianut kommunillu karsiinut agguarneqartarput. Naalakkersuisut KANUKOKA suleqatigalugu naligiissaarineq pillugu isumaqatigiissuteqarput.

<sup>4</sup> Inummut Akileraarutit = Akileraarutit A-t aamma B-t

Akileraarutininik naligiissaarinermit tunngaviit makkuupput: Inummut akileraarutit naligiissarneqartarput 90/115 %-ip iluani. Tassa imaappoq kommunit isertitaasa, inummut akileraarutip agguaqatigiissillugu 90 % ataallugu isertitaqartartut kommunit, inummut akileraarutip agguaqatigiissillugu 115 % -inik annerusunik isertitaqartunit tapiissutisisarput.

Ingerlatseqatigiiffiit kiisalu iluanaarutisianit akileraarutit agguarneqartarput, innuttaqqortussuseq pilersugaqassuserlu tunngavigalugit. Aammattaaq kommuninut ataatsimut akileraarut innuttaqqortussuseq pilersugaqassuserlu tunngavigalugit agguarneqartarput.


Kommuninut naligiissaarinermit agguarneqartut 2015-imi 490,4 mio. kr.-upput 2014-imilu 499,1 mio. kr.-ullutik. Piffissami 2010-2015-imi agguarneqartartut qaffakkiartorsimapput.



## Akitsuutit

Akitsuuserinermut allaffik tallimanik sulisoqarpoq. Suliarisartagaat tassaapput nalunaarsuinerit, nalunaarutiginnittarnerit kiisalu akiliisitsiniartarnerit makkunanga: naqissusiinermik, motoorit, pinnguaatit eqqoriaasitsinerit kiisalu talittarfinnut akitsuutit il. il.

### Akitsuutit katillugit




Akitsuusiinikkut isertitat ukiuni 2010-2014-imi annertusiartorsimagaluarpud 2015-imi annikillisimallutik. Naak ilaatigut motoorinut raajanullu akitsuutit annertuseriarsimagaluarpud akitsuutit katinnerani isertitat annikillisimappud. Annikillisimaneranut peqqutaanerit ilagaat sikaretsit kiisalu imigassanik aalakoornartulinnik eqquusuinerup annikillinera, peqqutaqaqaanerpaarli tassaavoq avaleraasartuunut akitsuutit apparuarujussuarnerat.

## Aalisakkanut akitsuutit

2015 aalisakkanut akitsuutit katillugit 211 mio. kr.-mik isertitsissutaasimavoq. 2013-imiit aalisakkanut akitsuutit, tassaasut: qaleralinnut raajanullu akitsuusersornerisa allanngornerisa kingorna isertitat qaffariaataappud. 2014-imi avaleraasartuunut akitsuut atuutilersoq aamma malunnaataalluarluni.

### Aalisakkat akitsuutaat



## Raajanut akitsuut

Raajanut akitsuut qaammatit pingasukkaarlugit procentia allanngorartuq aallaavigalugu naatsorsorneqartarpoq raajat akitsuusikkat agguaqatigiissillugu akiat tunngavigalugu naatsorsuineq pisarpoq.

2013-imi raajanut akitsuusiisarneq pillugu Inatsisartut Inatsisaat allanngortinneqarpoq. Allannguutip kinguneraa raajat tunisat akiisa agguaqatigiissinnerini 9,60 kr.-ugaangat imaluunniit qaangeraangagu

akitsuut atuutilertarpoq. Akitsuut procentimik ataatsimik qaffattarpoq, agguaqatigiissillugu kiilumut akeritinneqartoq koruunimik ataatsimik qaffakkaangat. Akitsuutip procentinngorlugu qaffasinnerpaaffiisa 15 %-inut inissinneqarnikuvoq tunisinermi aki agguaqatigiissillugu kiilumut aki 24,60 kr.-ugaangat. Tamatuma allannguutip malitsigaa tunisinermi agguaqatigiissillugu aki qaffanneroqqissagalarpat akitsuut 15 %-imiiginnassasoq.

2015-imi aningaasanut inatsimmi missingersuutini akitsuut 15 procentiusoq aallaaviuvoq kiilumut aki 28,00 kr. toqqammavigalugu, 2015-imi tunisinerni aki anguneqartoq agguaqatigiissillugu kiilumut 34,60 kr.-uvoq.

#### *Qaleralinnut avaleraasartuunullu akitsuutit*

Avataani aalisarnermut qaleralinnut akitsuutinik 2015-imi 29,8 mio. kr. isertitsissutaavoq, 2014-imiit 11 mio. kr.-mik annertuseriarneruvoq.


2014-imi 74,4 mio. kr.-mik avaleraasartuutit akitsuutaannik isertitsiffiuvoq, tamatuma kinguneraa 2015-imut aningaasanut inatsimmi 81 mio. kr. isertissangatinneqartut. Avaleraasartuunilli aalisarfiusup nalaani imartap nillissusaata allanngorsimaneranik aalisarnek ilimagisamit annikinnerujussuuvoq. Taamaalilluni avaleraasartuutit akitsuutaannit 28,6 mio. kr. isertitsissutaasimavoq.



## Qamutit motorillit akitsuutaat

Qamutit motorillit ukiuni kingullerni nunatsinni amerliartorput, tamanna takuneqarsinnaavoq eqqussinermi kiisalu qamutit motorillit akitsuutaanni. Qamutit motorillit akitsuutaasa ukiuni kingullerni tallimani ineriartornera ataani takussutissami takuneqarsinnaavoq.

### Qamutit motorillit akitsuutaasa ineriartornerat 1.000 kr.-nngorlugit




2015-imi GR normut 688-it taamaatitsipput, 1.500-llu nutaat nalunaarsorneqarlutik taakkunani 1.000-it inuit biileralugit<sup>5</sup>. 2015-ip naanerani GR normut 7.994-iupput 2014-imilu 6.938-usimallutik.

Qamutit motorillit 72 procentii inuit biileraat 12 % biilit lastillit kiisalu 16 % motor sukkilit, qamuteralaat kiisalu ATV.

Biilit innaallagissamik ingerlasut, akitsuuserneqarneq ajortut, Kalaallit Nunaanni katillugit 2015-imi 63-iupput tamarmillu Nuummiittuullutik.

Qamutit motorillit 56 %-ii illoqarfiit pingaarnersaanniipput, 15 %-ii Sisimiuni, 9 %-ii Ilulissani sinnerilu sumiiffinni allani agguataarsimallutik. Ataani takussutissami takuneqarsinnaapput qamutit motorillit suussutaasa agguataarneri.

### Qamutit motorillit agguataarneri



<sup>5</sup> Inuup biili, el-biilit, taxat allallu


### Aningaasanik ikisilluni pinnguaatinut akitsuut

Ukiuni tallimani kingullerni akitsuut aningaasanik ikisilluni pinnguaatineersoq 8 mio. kr. 10 mio. kr.-llu isertitsissutaanikuvoq 2015-imilu aamma tamatuma missaanniippoq tassa 8,5 mio. kr.-ulluni. Ilimagisamiilli isertitat annikinnerupput.

Akitsuutit pinnguaatineersut annikitsumik appariartorneranut peqqutaavoq pinnguaatinik taamaatitsinerit amerliartorneri.

### Naqissusiinermi akitsuutit


Nunatsinni aningaasaqarnerup ineriartornerata appasinnerata kingunerisaanik naqissusiinermik akitsuutit ukiuni kingullerni appariartorput. Taamaattorli 2015-imi 25,4 mio. kr.-mik isertitsissutaavoq taannalu 3 mio. kr.-nik ukiup siulianit qaffasinneruvoq. Ataani takussutissami takuneqarsinnaavoq akitsuutit pinnguaatinik kiisalu naqissusiinermi isertitat ineriartornerat.



## Nioqqutissanik eqqussinermi akitsuutit

Nioqqutissanik eqqussinermi akitsuuserisut marluupput taakkulu Danmarkimi inissisimapput. Taakku nioqqutissat akitsuuserneqartussat eqqussorneqarnerisa nalunaarsorneqarneri, allaffissornikkut suliarineqarneri kiisalu nakkutigineqarneri akisussaaffigivaat. Nioqqutissat akitsuuserneqartartut tassaapput sukut, the/kaffe, mamakujuit, imigassat aalakoornartullit, sikaritsit, neqit kiisalu qamutit motorillit. 2015-imi aggustimiit atuutilersumik snusit, sukuluut kiisalu qummoroortartut akitsuuserneqartalerput. Naatsorsuutitigulli 2015-imi taakkunannga isertitat ukiup tullissaanut nuutinneqarput.

Ukiuni 2009-miit 2012-imut eqqussinermi akitsuutit 550 mio. kr.-t missaaniikkajuttarput. 2015-imi 464,4 mio. kr.-mut appariarpoq. Appariarnermut peqqaaneruvoq sikaritsit imigassallu aalakoornartullit eqqussorneqartut ukiumi 2015-imi ukiup siulianiit appariarnerat. Sikaritsit imigassallu aalakoornartullit tassaapput eqqussinermi akitsuutit katillugit 70 procentii. Nioqqutissat allat eqqussorneqartut aamma ikileriasimapput, taamaasilluni mamakujuit, neqit qamutillu motorillit kisiartaallutik 2014-imiit 2015-imut amerleriaatillit.



2015-imi akileraarutit akitsuutillu katinnerini 23 %-ii nioqqutissanik eqqussinermi akitsuutinnganeersuupput.

## Akileraarutit

Akileraaruserinermut allaffik qulingiluanik sulisoqarpoq taakkulu Nuummi, Ilulissani Danmarkimilu agguataarnikuupput. Suliaat tassaanerupput inuit suliffeqarfeeqqallu<sup>6</sup> akileraarusersorneqarnerannut tunngasut.

2014-imi oktoberimi siumoortumik nalunaarsuiffiit 21.254-it nassiunneqarput ukiumut aningaasarsiorfiusumut 2015-imut tunngasut. Skattekortit pappiaqqat 41.438-t, qarasaasiatigut skattekortit 26.333-t kiisalu tunisinermit allagartat 2.391-it nassiunneqarput ukiumi aningaasarsiorfiusumi 2015-imi atugassat.

Akileraaruseriffiup suliaasa pingaarnert ilagaat siumoortumik nalunaarsukkat suliarineri, akileraaruseriinerit naggataagut inaarummik naatsorsuutinngortussat. Inaarummik naatsorsuutit septembarip aallaqqaataani innuttaasunut apuunneqartarput.

Aggustimi 2015-imi Akileraartarnermut Aqutsisoqarfiup 2014-imi akileraarpallaarutit 149,4 mio. kr.-t inunnut 22.000-inut uterteqqippai. Taakkunanga 41,7 mio. kr. unerartitsinikkut ilanngaassinikkut, inangiiviginninnikkut pisortatut akiitsunut matussutissatut akilersinneqarput. 25,8 mio. kr.-t Kalaallit Nunaata kommuniinut, INI A/S-imut, Iserit A/S Nukissiorfinnullu akiitsunut matussutaapput, sinneruttut 16 mio. kr. Namminersorlutik Oqartussanut akiitsunut matussutaallutik.

Tamatuma saniatigut 180 mio. kr.-t inunnik 10.239-nik akileraarutininut tapissatut akiligassiissutigineqarput, 54,2 mio. kr.-llu akileraarutininut tapissat akiligassat 2016-imut siumoortumik nalunaarsuinermit naatsorsuutininut ilanngunneqarlutik. Sinneruttut 125,8 mio. kr. pingasunut avillugit akiligassiissutigineqarput. Inuit 17.007-it inaarummik naatsorsuutaat akileraarutaannut naapertuuttumik inerneqarput.

---

<sup>6</sup> Suliffeqarfiit 10.000 kr. ataallugu kaaviiartitallit

## SULINAL aamma IIN


Inuit pingasut nuummiittut SULINAL<sup>7</sup>-imi IIN<sup>8</sup> sulisuupput. Suliaat pingaarnerit tassaapput sulisitsisut sulisumi akissarsiaata allagartaat qaammammoortut ukiumoortullu nalunaarutaannik isumaginninneq, IIN normutaarniarnermik qinnuteqaatit suliarineri kiisalu sulisitsisunut allanullu ilitsersuineq ikiuinerlu.

2015-imi sulisitsisut 1.600 missaaniipput taakkulu katillugit akileraarutit A-t 3,4 mia. kr. AMA-llu 74 mio. kr.-it nalingi nalunaarutigivaat.

2015-imi katillugit suliffeqarfiit IIN normullit 5.242-pput taakkunannga ukiumi tassani nutaatut nalunaarsorneqartut 705-iupput taamaatitsisullu 304-llutik.

Suliaqaqatigiiffiit (branche) 14 %-ii tassaasut amerlanerpaat tassaapput aalisarneq kiisalu piniarneq taakkua amerlaqatigaat allaffissorneq. Suliaqaqatigiiffiit 10 %-ii peqatigiiffiupput kiisalu timersoqatigiiffiit. Niuerneq pisiniarfiillu katillugit 13 %-ullutik.

## Suliaqaqatigiiffiit 2015-imi agguataarnerat



<sup>7</sup> Sulinermik Inuussutissarsiuutilinnut Nalunaarsuiffik

<sup>8</sup> Inuussutissarsiuutigalugu Ingerlatsineramik Nalunaarsuiffik

## Siunnersuineq Nakkutilliinerlu

Immikkoortortaqarfik, Nuummi, Maniitsumi, Sisimiuni, Ilulissani kiisalu Danmarkimi sulisulik akisussaaffii ukuupput: akileraaruteqarnerup allaffissornera, siunnersuineq ikiuinerlu innuttaasunut aamma suliffeqarfinnut, suliffeqarfinnik ingerlatsivinnillu akileraarusiigallarneq aamma kukknersuineq, sulisitsisunik nakkutilliineq, tikittunik aallartunillu misissuineq kiisalu nioqqutissanik annissanik eqqussanillu misissuineq.

## Kukknersuisut

Kukknersuiuineramik allaffimmi suliarineqartut pingaarnertit tassaapput inuit namminersortut ingerlatsiviillu akileraarutitigut kukknersiorneqarneri akileraarusiigallarnerillu, taakkulu piginnittuisa piginneqataasusalu akileraarutaasa suliarineri, naatsorsuutininik tunniussinissamat kinguartitsiniarluni qinnuteqaatit suliarineri, suliffeqarfimmik kingorngussineq aamma ataatsimoorussineq/kattussineq, innuttaasunit suliffeqarfinniillu apeqquteqaatit assigiinngitsut akinissai kiisalu siunnersuineq ikiuinerlu. Sulisut 14 kukknersuisarfimmiipput.

2015-imi Aqutsisoqarfiup kukknersuisuisa suliat 1.009-t naammassisimavai ukiullu siuliani 1.365-iullutik. Suliat 642-t 156,5 mio. kr.-nik isertitaminnik qaffaaffigineqarput suliallu 224-t 48,5 mio. kr.-nik nalikilliliivigineqarlutik.

## Nakkutilliisut

Nakkutilliiviup allaffiani suliarineqartut tasaanerupput sulisitsisunik nakkutilliineq, siunnersuineq ikiuinerlu akileraarutit A- aamma AMA-nik naatsorsueriaatsimik kiisalu assigiinngitsunik nalunaarsuinermik, akileraarutininik akiliinngitsoortarnermik/kingusinaarluni akiliisarsimanermik pillaammik akiligassiinerit, akiitsunik isumakkeerfigeqquneqarnermik qinnuteqaatinik naliliisarnerit il.il.

Nakkutilliivimmi sulisut katillugit arfiniliupput Nuummi Maniitsumilu issiasut.

Sulisitsisumik Nnakkutilliinermit atatillugu sulisitsisumut ornigunnermilluni alakkaanermi maleruagassat malillugit ingerlatsisoqarnerisooq misissuiffigineqartarpoq soorlu makkuninnga; sulisitsisoq akileraarutissat eqqortumik ilanngaatigineqarsimanersut, paasissutissanik nalunaaruteqarnerit, sulisunut ajunngitsorsiat akileraaruteqaataasussat, akileraarutit A-t akilernerqarneri il.il. tarnermut inatsit assigiinngitsut naapertorlugit ingerlanersooq misissuiffigineqartarpoq orneqartarpoq. Tamatssuma saniatigut siunnersugassaappat imaluunniit ikiugassaappat periarfissinneqartarluni.

Sulisitsisunik nakkutilliinerup ilarujussua tassaavoq sulisitsisut Akileraartarnermut Aqutsisoqarfimmut piffissaq eqqorlugu eqqortumillu nalunaaruteqartarnerisut misissuiffigineqarnerat. Piumasaqaatit tamakku malinneqarsimanngikkaangata sulisitsisumut akiliisitsinermik kinguneqarsinnaasarpoq. 2015-imi sulisitsisunut 65-inut katillugu 4,6 mio. kr.-nik akiliisitsisoqarsimavoq, eqqunngitsumik imaluunniit kingusinaartumik nalunaaruteqarsimanerat pissutigalugit.

Akileraartarnermutik Aqutsisoqarfiup sulisitsisunik nakkutilliisarnera ukiuni kingullerni annertusineqarnikuuvoq isiginiarneqalernikuuvoq. 2010-mi sulisitsisut aqqaneq marluk misissuiffigineqarput, 2015-imilu sulisitsisut katillugit 164-it misissuiffigineqarlutik. Suliffeqarfiit 2015-imi misissuiffigineqartut illoqarfinni nunaqarfinnilu katillugit 15-imi agguataarput.

Sulisitsisunik nakkutilliinerup saniatigut akiitsunik isumakkeerfigitinnissamik qinnuteqaatit 2015-imi 40-t tiguneqarput taakkunanngalu 30 naammassillugit suliarineqarlutik.



## Nunanut allanut allaffik

Allaffik 2015-imi pilersinneqartoq pingasunik sulisoqarpoq, taakkualu suliffeqarfiit atortussalerinermut tunngasunik suliaqartut akileraaruserneqartarnerinik nakkutigineqarnerinillu suliaqartarput, tassunga ilanngullugit tamakkiisumik akileraaruteqartitsinermut aqqissuussineq, akileraartarnermut inatsimmik nassuiaaneq, marloriaammik akileraarnissaq pinngitsoortinniarlugu isumaqatigiissutit kiisalu nunanut allanut paasissutissanik paarlaasseqatigiinnerit.

2015-imi nunanut allanut allaffik nunanut allanut tunngasunik saaffiginnissutinik apeqquteqaatinillu suliaqarpoq. Saaffiginnissutit saniatigut suliffeqarfiit aatsitassannut tunngassutillit nakkutigineqarnerat, akileraaruserneqarnerat misissorneqarnerallu suliarivaat.

Nunanut allanut allaffik nittartakkamik tuluttut allassimasumik pilersitsinikuuvoq suliffeqarfiit inuillu nunatta avataaniit paasissutissanik aallerniartut alakkarsinnaasaannik. Nittartakkami ilaatigut aamma immersuiffissanik aallertoqarsinnaavoq akileraarutinik nalunaarutiginninnermut atugassanik. Nittartagaq uunga alakkarneqarsinnaavoq [www.int.aka.gl](http://www.int.aka.gl) .

## Ilanngaaserisut

Ilanngaaserisoqarfik Nuummi inissisimasoq tallimanik sulisoqarpoq taakkunannga pingasut qimmeqarput, ikiaroorartunik, nukkassaatinik aningaasanillu ilaatigut nassaarsinnaanngorlugit sungiusakkat.

Ilanngaaserisut suliaat pingaarnerit tassaapput nunatsinniit nunatsinnullu angalasunik aammalu nioqqutissanik eqqussuinermit annissuinernullu nakkutillineq, eqquteqqusaanngitsunik misissuinerit, tassunga ilanngullugit ikiaroorartut kiisalu umiarsualivinnut aamma pinngortitamut avatangiisinullu akitsuutinik nakkutillineq.

2015-imi ilanngaaserisut hashi 18,6 kg arsaarinnissutigaat, arsaarinninnerni 83-ini, iisartakkat assigiinngitsut 40-t, arsaarinninnerni 40-ni, aningaasat 440.000 kr.-it arsaarinninnerni arfineq marlunni kiisalu 8,7 kg rubiinit safirillu 72-inik annisseriarneq ataaseq.

Ukiuni arlalinni eqqusseriarnermi annisseriarnermilu arsaarinnissutaasartut amerlassusaat annertussusaallu taamaaginnarsimavoq. Arsaarinnissutit tamarmik toqqaannartumik Kalaallit Nunaata Politiivinut ingerlateqqinneqartarput, taakkulu pisariaqarfiisigut eqqartuussisutigoortumik suliassanngortitsisarput.



## Akiliisitsiniarneq

2015-imi sulisut katillugit 23-t Akileraartarnermut Aqutsisoqarfiup illoqarfinni allaffiini akiliisitsiniartarfinni sulisuupput. Suliat pingaernerit tassaapput innuttaasut suliffeqarfiillu pisortanut akiitsuinik akiliisitsiniartarnerit. Taakku saniatigut INI, Iserit Nukissiorfiillu sinnerlugit aamma akiliisitsiniartarput.

2015-imi Akiliisitsiniartartut, Nakkutillisoqarfik suleqatigalugu, akiliisitsiniaapput. Suliaqarnermi inuit suliffeqarfiillu katillugit 500-t orniguffigineqarput. Tamassuma kinguneranik akiitsuinik akilersuinissamut isumaqatigiissutit atsiortinneqarput taakkunani akissarsianik ilanngaassilluni akilersuititsinerit 2.188-t kiisalu isumaqatigiinnikkut akilersuititsinerit 137-t pilersinneqarlutik. Akilersuititsinissamik isumaqatigiissutinik 2015-imi 28,6 mio. kr. akilersinneqarput.

Kalaallit Nunaanni pisortanut akiitsut 2015-imi appariaateqarput januar 2015-imi 932 mio. kr.-miit januar 2016-imi 875 mio. kr.-mut appariaateqarmata. Appariaat 6,09 %-iuvoq.

Akileraartarnermut Aqutsisoqarfiup akiliisitsiniarnikkut isertitaat 2015-imi 248,2 mio. kr.-upput suliallu katillugit 55.000-it akiitsunut tunngasut naammassillugit suliaralugit. Ataani takuneqarsinnaapput 2015-imi akiliisitsiniarnikkut isertitat.

Akiitsut suussusaat	10. januar 2015-imiit 9. januar 2016-imit nikerarnerat	
	Suliat amerl.	Akiitsut annert. Kr.
Meeqqanut akilersuutit	-6.638	-23.935.932
Akileraarutissat sinneri	-2.090	-9.590.329
Inuussutissarsiutinut tapersiisarneq	-5	-578.816
Akileraarutit A-t	-486	-152.625.465
Ingerlatseqatigiiffiit akileraarutaat	-8	-135.483
Inigisamut akiliutit	-6.259	-16.894.651
Akileraarutininut erniat	-157	-350.512
Kommuninut akiitsut assigiinngitsut	100	-2.271.429
Aningaasanik utertitsineri ikiuutit	-1.046	-2.350.933
Ilinniarnermi aningaasanik taarsigassiineq	-142	-878.401
Paaqqinnittarfiit	-5.704	-3.140.466
Eqqaavilerineq/anartarfilerineq	-22.917	-5.344.197
Kommuninut inuussutis. Taarsigassarsiineq	-81	-1.228.338
Namminersorlutik Oqartussanut akiitsut assigiinngitsut	-1.319	-3.506.477
Inigisaqarnermut ikiorsiissutit	-76	-17.058.099
Nammineerluni illuliornermut taarsigas.	-82	-570.192
Imermut kallerullu inneranut	-4.285	-1.389.113
Meeq. angerlarsimaf. avataan. Inissinneqars. angajoq. akiliutaat	-1.358	-1.904.705
Nunat avannarliit piumasaqaataat	-248	-3.888.837
Akiitsut allat	-2.112	-570.685
<b>Katillugit</b>	<b>-54.913</b>	<b>-248.213.060</b>

2015-imiit 2016-imut akiitsut akileraarutininut tunngasut amerlassusaat 2.700-nik appariaateqarput koruuninngorlugit 162 mio.-iusut. Akiitsut akitsuutininut tunngasut 1.300-nik ikileriarsimapput koruuninngorlugit 3,5 mio.-iusut.

Akiitsut assigiinngitsut tamarmik 2015-imi appariaateqarnikuupput. Malunnaatilimmik nikeriartut ilagaat eqqaavilerinermermi anartarfilerinermilu akiitsut, taakkunanga 5,3 mio. kr. isertinneqarmata sulianut 22.000-inut agguataarlutik. Taamaakkaluartoq 2016-imi eqqaavilerinermermi anartarfilerinermilu akiitsut nutaat naammassisaniit amerlanerupput taamaalilluni 2016-inngornerani suliassat 100.000-inngorlutik katillugit koruuninngorlugit 30 mio.-iusut.

Ataani takuneqarsinnaavoq januar 2016-imi akiitsut annertussusaat. Tassani takuneqarsinnaavoq akiitsunut suliat tunngasut 280.000-iusut koruuninngorlugu katillugit 875,2 mio.-it.

Akiitsut suussusaat	Januar 2016	
	Suliat amerl.	Akiitsut annert. Kr.
Meeqqanut akilersuutit	72.800	344.267.248
Akileraarutissat sinneri	1.573	28.271.831
Inuussutissarsiutininut tapersiisarneq	92	65.572.643
Akileraarutit A-t	2.462	135.768.805
Ingerlatseqatigiiffiit akileraarutaat	65	2.137.707
Inigisamut akiliutit	6.358	68.771.213
Akileraarutininut erniat	1.525	2.193.233
Kommuninut akiitsut assigiinngitsut	18.311	38.422.793
Aningaasanik utertitsinermermi ikiuutit	5.581	26.223.801
Ilinniarnermermi aningaasanik taarsigassiineq	956	13.325.626
Paaqqinnittarfiit	22.774	16.273.041
Eqqaavilerineq/anartarfilerineq	100.273	29.997.122
Kommuninut inuussutis. Taarsigassarsineq	129	1.412.166
Namminersorlutik Oqartussanut akiitsut assigiinngitsut	5.606	25.758.883
Inigisaqarnermut ikiorsiissutit	242	13.570.409
Nammineeirluni illuliornermut taarsigas.	390	5.788.494
Imermut kallerullu inneranut	8.972	3.924.954
Meeq. angerlarsimaf. avataan. Inissinneqars. angajoq. akiliutaat	23.472	32.968.683
Nunat avannarliit piumasaqaataat	1.225	18.038.871
Akiitsut allat	8.058	2.517.410
<b>Katillugit</b>	<b>280.864</b>	<b>875.204.933</b>

Akiitsunit isertitat 2015-imi 68 procentii Namminersorlutik Oqartussanut akiitsuupput, 15 % kommuninut sinnerilu assigiinngitsunut soorlu INI, Iserit il.il. Namminersorlutik Oqartussanut akiitsut isertitat amerlanerpaartaat akileraarutininut tunngasuupput taakkulu kommuninut Namminersorlutillu Oqartussanut agguataarneqartarput. Isertitat 75 procentiisa missaat kommuninut tuttarput 25 procentiilu Namminersorlutik Oqartussanut tuttarlutik.

## Ataatsimoorussat

Immikkoortortaqarfimmi Akileraarnermut Aqutsisoqarfiup avammut kiinaatut pingaarnertut inissisimasutut oqaatigineqarsinnaavoq, tassanimi saaffiginnittarfik inissisimavoq. Innuttaasunut sullissinerup saniatigut allattoqarfik aamma immikkoortortaqarfimmi tassani inissisimavoq. Innuttaasunut sullissinerup saniatigut allattoqarfimmi suliat sulisunut tunngasut allaffissornikkut ingerlanneqartartut tassaapput: akissarsialerineq, qarasaasiatigut atortorissaarutilerineq kiisalu ataatsimut sulisunut sullissineq. Sulisut katillugit 25-t immikkoortortaqarfimmi sulipput, tallimat allattoqarfimmi 20-llu saaffiginnittarfinni.

Illoqarfiit, Qaqortoq, Nuuk, Maniitsoq, Sisimiut Ilulissallu saaffiginnittarfeqarput. Akileraarnermut Aqutsisoqarfimmut saaffiginnissutit, akileraarnermut, akiliisitsiniarnermut, naqissusiinerumut, akiitsunut, suliffeqarfinnullu tunngasut tamarmik saaffiginnittarfikkooqqaartarput. Innuttaasoq namminersorluni suliffiutitaarniaruni, nammineerluni nalunaarsugaq allangortinniaruniuk, akiitsuminik akilersuinissamut isumaqatigiissuteqarniaruni il.il., saaffiginnittarfimmut saaffiginneqqaartuaannarpoq.

Innuttaasunut sullissinerup saniatigut, akileraarusiigallartarnerit, naligiisitsinerit suliallu allat soorlu e-mailikkut apeqquaqqaatinut assigiinngitsunut akissuteqaasiernerit, oqarasuaatikkut saaffiginnissutit isumagininerit il.il. sullissivimmi ulluinnarsiutaapput.

Qaammatit tamaasa agguaqatigiissillugit inuit ornigullutik saaffiginnittut 2.700-t missaaniittarput. Ornigulluni saaffiginninnerit saniatigut saaffiginnittarfiup toqqaannartumik oqarasuaataanut qaammammut ullormut agguaqatigiissillugit 300-t sianertarput. Saniatigullu Naalakkersuisut oqarasuaataanit saaffiginnittarfimmut ingerlateqqitat arlaqarluarlutik.

## Aalisarnermut Akuersissutini Nakkutilliisoqarfik

### Nakkutilliisut

2015-imi aalisarnermut nakkutilliisut arfiniliupput ilaatigut immakkut nunakkullu nakkutilliineq, eqqiluinermik misissuineq aalisariutinillu misissuineramik suliaqartartut. Nuummi, Sisimiuni Ilulissanilu nakkutilliisoqarpoq.

2011-imi aalisarnermik nakkutilliineramik ilinniagaqarneq aallartinneqarpoq ukiuni pingasunik sivisutigisumik. Ilinniarneq Danmarkimi aalisarnermik nakkutilliisoqarfik suleqatigalugu ingerlanneqarpoq tassanilu annertunerusumik aalisarnermi nakkutilliineq ilinniarneqarluni.



### Piniarnermut nakkutilliisoqarneq

2015-imi piniarnermut nakkutilliisut qulingiluaapput nakkutilliisunullu ikiortit marluullutik. Taakkua illoqarfinni Nuummi, Maniitsumi, Sisimiuni, Ilulissani, Upernavimmi, Uummannami Ittoqqortoormiini inissisimallutik. Piniarnermut nakkutilliisut suliaat tassaapput sinerissap qanittuani qaleralinnik, assagiarsunnik saarullinnillu aalisarnerup nakkutigineri misissorneqarnerilu. Ulluinnarni suliat allat tassaapput tutturnik umimmannillu kisitsineq, arfattanit, aaffattanit nannuttanillu misiliutissanik tigusisarnerit kiisalu innanik timmiaqarfiusunik, masarsoqarfinnik, nunanik eqqissisimatitanik, kuunnik eqaloqarfinnik kiisalu arfernik angisuunik mikisunillu piniarnermik nakkutilliineq.

Piniarnermik nakkutilliisut politiit, Issittumi Sakkutooqarfik aamma oqartussaqaarfiit suleqatigalugit Kalaallit Nunaanni SAR-imut upalungaarsimanermit ingerlappaat ilaatigullu tassaniillutik pinngortitamik misissuinermit atatillugu piniarnermik aalisarnermillu nakkutilliisut sumiiffinnik ilisimasaqarnerinik politiit iluaquteqarnerat. Tamakku saniatigut nakkutilliisut angallataat ujaasinerni imaluunniit uuliamik mingutsitsinermi assigisaanillu akiuinermit atatillugu peqataasarput. Sulinermit ilaatigut ilaapput sumiiffinni

umiartornikkut isumannaallisaaneq, imartanik uuttortaaarneq nalunaarsuineq kiisalu sumiiffinni qatserisartoqarfinnik ikiuineq.

### **Alapernaarsuisut**

2015-imi alapernaarsuisut 14-iupput. Aalisarnermik alapernaarsuisut suliaat tassaapput aalisarnermik nakkutilliineq, tassa imaappoq aalisartut nakkutilliiffigalugit, tassani pingaarnertut aalisakkanik pisanik eqqortumik nalunaarsuisarneq misissorneqartarluni kiisalu eqqaasoqannginnissaa. Angalanerit kingorna tamatigut angalaneq pillugu nalunaarusiortoqartarpoq innersuussinerit allallu nalunaarsorlugit.

2015-imi alapernaarsuisut ullut 1.749-t atorlugit aalisariutinut ilaallutik nakkutilliipput. Taakkunani 843-t atorlugit avataani raajarniutinut ilaallutik nakkutilliipput.

### **Allattoqarfik pisanillu nalunaarsuiffik**

Kalaallit Nunaata imartaani pisat tamarmik aalisartup inuttaanut, angallataanut, akuersissutaanut, pisassat kiisalu sumiiffiit immikkoortinneqarnerinut ullulerlugit nalunaarsorneqartarput. Nakkutilliisoqarfimmi sulisut 17-it umiarsuit allattaaviinik nalunaarsuisarput.

Aalisarnermut Akuersissutinik Nakkutilliisoqarfiup paasisutissat katersugaat najoqqutaralugit, pisassiissutit naatsorsornerini aamma aalisarnermik aqutsinermut allarpassuarnullu atorneqartarput soorlu nunat tamalaat pisassiissutissanut isumaqatiginiarnerinut.

### **Nalunaarutit**

Nalunaarutit tassaapput aalisariutilli nakkutilliisoqarfimmut nassiuttagaat. Nalunaarutit qarasaasiakkut tiguneqartarput kingornalu nakkutilliisoqarfiup qarasaasiakkut toqqorsivianut nalunaarsorneqarlutik.

Ukiuni kingullerni nalunaarutigineqartartut amerliartorput. 2013-imi nalunaarutit 2.400 missaaneeriarlutik 2015-imi 3.674-imut amerleriaateqarput. Amerleriarnepuq peqquutigaa avaleraasartuunik aalisartalerneq.

### **Umiarsuit allattaavii aamma vCatch**

Angallatit 9,4 meterimiit takinerusut tamarmik umiarsuit allattaaviannik peqartussaataapput. Allattaaviit qarasaasiatigut toqqorsivimmut ikkussorneqartartut ukioq 2000-imiit 13.778-ioriarlutik 2012-imi 12.600-nut ikiliartoruusaarnikuupput. 2013-imiilli, ammassanniarnepuq annertunerulernerata kingunerisaanik, allattaaviit tunniunneqartartut amerliartulernikuupput tassami 2014-imi quppernerit 14.966-ioriarlutik 2015-imi 13.360-iummata. Allattaaviit quppernerisa amerlassusaat, pisassiissutip aalisartullu amerlassusaat najoqqutaralugit allangorartarput.

2012-imi Nakkutilliisoqarfiup qarasaasiatigut allattaaveqariaaseq atulerpaa. Allattaaveqariaaseq taaguuteqarpoq vCatch, taannali sivisuumik misilerarlugulu tulluarsagassaavoq ilaatigut inatsisitigut aamma tulluarsagassaalluni. 2015-imi pisortatigoortumik qarasaasiatigut allattaavimmik tunniussisoqarsimangilaq.

### **Tunisinerit**

Tunisinerit qarasaasiatigut toqqorsivimmut nammineq immersorneqartarput imaluunniit immersuiffissatut atugassiat immiullugit. Nammineerluni immersuinerit taamaallaat pisarput aalisariutit pisaminnik nunatta avataani tunisisimagunik.

## **Nakkutilliinermut nunanik allanik suleqateqarneq**

Aalisarnermut Akuersissutinik Nakkutilliisoqarfik nunat tamalaat suleqatigiiffiini pingasuni pimoorussamik peqataaffeqarpoq, taakku tassaapput Atlantikup Avannaata Kitaani Aalisarnej pillugu suleqatigiiffiit (NAFO), Atlantikup Avannaata Kangiani Aalisarnej pillugu Kommisioni (NEAFC) aamma Atlantikup Avannaani Sinerissami Nakkutilliisut Oqallittarfiat (NACGF). Oqallittarfinni pingasuni Nakkutilliisoqarfik nakkutilliineq/nakkutiginninneq pillugu komiteenut peqataaffeqarpoq.

NAFO tassaavoq Kalaallit Nunaata kitaani nunat assigiinngitsut imartaani aalisarnermik malittarisassaqartitsisoq. Atlantikup Avannaata eqqaaniittut nunat tamarmik, kiisalu tassani nunat aalisartarnikuusimasut ilaasortaanissamut piumasaqarsimasut arlallit ilaasortaapput. NAFOp ataani aalisarnermi teknikkikkut suleqatigiiffeqarpoq tassani ilaatigut Nakkutilliisoqarfik NAFO inatsisinik naliliinermut nutarterinermullu peqataavoq.

NEAFC tassaavoq Kalaallit Nunaata kangiani nunat assigiinngitsut imartaanni aalisarnermik malittarisassaqartitsisoq. Atlantikup avannaata kangiaata eqqaani nunat tamarmik ilaasortaapput kiisalu nunat arlallit EU-mut ilaasortat imartamilu tassani aalisarnikuusimasut aalisarnissamut pisinnaatitaaffeqarlutik. Nakkutilliisoqarfiup tassani suliaasarivaa Kalaallit Nunaat sinnerlugu aalisarnermi teknikkikkut suleqateqarneq, nakkutilliineq aamma Kommisionip kaammattuutaanik malitsitsinermut tunniussisarnej.

NACGF tassaavoq oqallittarfiuvoq 2007-imi pilersinneqarsimasoq, taassumalu siunertarivaa nunat ilaasortaasut, nakkutilliinikkut kiisalu immammi upalungaarsimanermut sillimaniarnissamut suleqatigiilluarnerunissaat. Nunat assigiinngitsut 22-t ilaasortaapput, oqallittarfiullu ataani nunat eqimattanut arfinilinnut avillutik suleqatigiiffigivaat, pinngortitami sillimaniarneq, ikiaroorartulerisunik nakkutilliineq, inuit unioqqutitsillutik noorarnerannik nakkutilliineq, imartami upalungaarsimaneq, annaassiniarneq kiisalu unioqqutitsilluni aalisarnermik nakkutilliineq.

## Akilerartarnermut akitsuusiisarnikkullu inatsisini 2015-imi allannguutit

- Sulisoqarnermut akitsuut pillugu Inatsisartut inatsisaata allangortinneqarnera pillugu Inatsisartut inatsisaat nr. 11, 3. juni 2015-imeersoq (Sulisoqarnermut akitsuutip akilerneqarnissaanut piffissaliussap allangortinnera)
- Pisortanut akiitsut akilersinniarneqartarnerat pinaveersaartinne-qarnissaallu pillugit Inatsisartut inatsisaata allangortinneqarneranik Inatsisartut inat-sisaat nr. 13, 3. juni 2015-imeersoq (Akilerneqarfissatut killiliussap ilanggunneqarnera)
- Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allangortinneqarneranik Inatsisartut inatsisaat nr. 14, 3. juni 2015-imeersoq (Umiarsuarni takornarianik angallassisuni ilaasut akileraarutaannik aamma ilaasunik nalingin-naasunik takornarianillu angallassinermi ilaasut akileraarutaannik atorunnaarsitsineq)
- Nioqqutissanik eqqussuinermi akitsuutit pillugit Inatsisartut inatsisaata allangortinneqarneranik Inatsisartut inatsisaat nr. 21, 23. november 2015-imeersoq (Akitsuutinik qaffaaneq kiisalu snusit, sukuluut qummoroortartullu akitsuutaat)
- Qalerallit avaleraasartuullu avataasiarluni aalisarnermi pisarineqartut akitsuutaat pillugit Inatsisartut inatsisaata allangortinneqarnera pillugu Inatsisartut inatsisaat nr. 35, 9. december 2015-imeersoq (Qalerallit immanguannaq suliat suliarineqanngitsullu akitsuutaat kiisalu aalisakkat ikerinnarsiortut ilaasa Tunumi pisarineqartut akitsuutaat)
- Aningaasarsianit akileraarutit pillugit Inatsisartut inatsisaata allangortinneqarneranik Inatsisartut inatsisaat nr. 37, 9. december 2015-imeersoq (Selskabit akileraarutaannik akiliisussaatsinnginnissaq, aningaaseriviit annaasassanut im-mikkoortitsisarnerat aamma tamakkiisumik akileraaruteqartitsinermit aqqissuussinerup allangortinneqarnera)
- Nioqqutissanik eqqussuineq annissuinerlu pillugit Inatsisartut inatsisaata allangortinneqarneranik Inatsisartut inatsisaat nr. 38, 9. december 2015-imeersoq (Ilaasut pillugit paasissutissat takuneqarsinnaanissaat, timimut scannerut, umiarsualivinni timmisartoqarfinnilu atorulersuutit pequtsersuutillu, aningaasat tigoriaannaat eqqunneqartut anninneqartullu amerlassusaannik killiliineq)
- Nioqqutissanik eqqussuineq annissuinerlu pillugit Namminersorlu-tik Oqartussat nalunaarutaat nr. 8, 14. april 2015-imeersoq
- Inuussutissarsiutigalugu aalisarneq pillugu tunisassiornikkut aningaasaqarnikkullu paasissutissanik nalunaarutiginnitarneq pillugu Namminersorlutik Oqartussat nalunaarutaat nr. 11 29. juni 2015-imeersoq

## Aalisarnermut inatsisini 2015-imi allannguutit

- Kapisilinniarneq pillugu Namminersorlutik Oqartussat nalunaarutaat nr. 20, 9. oktober 2015-imeersoq
- 2015-imi aalisarnermi pisassiissutit pillugit Namminersorlutik Oqartussat nalunaarutaat nr. 23, 30. december 2015-imeersoq
- Aalisarneq pillugu Inatsisartut inatsisaata allangortinnera pillugu Inatsisartut inatsisaat nr. 18, 3. juni 2015-imeersoq (Inuussutissarsiutigalugu aalisarsinnaanermut akuersissutit tunniunneqartarnerat ingerlaannartarnerallu pillugu allannguutit)
- Aalisarnermut aningaasaliissutinut immikkoortitat pillugit Inatsisartut inatsisaata allangortinneqarnera pillugu Inatsisartut inatsisaat nr. 26, 9. december 2015-imeersoq (Isaterinermi aalisarsinnaanermut akuersissutinik pisassiissutinillu piginniinnartarneq kiisalu isaterinermit il.il. tapiissutinik uuttortaaarnermi aalisariutip piviusumik nalinganik atuineq)